

জয় গুরু

মধুক্ৰম

শ্ৰীবিদ্যালয়কান্ত সুখোপাধ্যায় ।

প্ৰাপ্তিস্থান :

শ্ৰীদুৰ্গা পুস্তকালয়

শ্ৰী: শ্ৰীকানাইলাল ৰায়

নেতাজী সুভাষচন্দ্ৰ ৰোড, চুঁচুড়া ।

“মধুক্রম”এর বেণীর ভাগ লেখাই প্রায় বছর দশ পূর্বের ।
এর কতকগুলি লেখা সাপ্তাহিক “ভগ্নদূত” ও “চুঁচুড়া বার্তাবহে”
প্রকাশিত হয় । অধুনা রচিত আর কয়েকটি রঙ্গ-কবিতাও
মধুক্রমে সন্নিবিষ্ট হয়েছে ।

কবিতা ও গান লেখার প্রথমাবস্থায় অগ্রজতুল্য সুসাহিত্যিক
শ্রীসচী শীল, বি এ, সুকবি শ্রীবনবিহারী বন্দ্যোপাধ্যায় ও
পরলোকগত সুকবি সুধীরচন্দ্র গঙ্গোপাধ্যায়, বি এ আমাকে
বিশেষভাবে উৎসাহিত করেছেন, আত্মপ্রসাদ লাভের জন্ম
এ সুযোগে তা’ স্বীকার না করে পারলাম না ।

ছাপার কাজে অগ্রজপ্রতিম সুসাহিত্যিক ও সাংবাদিক
শ্রীবসন্তকুমার আচা, বি এ -র সহায়তা পেয়েই মধুক্রম প্রকাশ
সম্ভবপর হ’ল, তাঁকে কৃতজ্ঞতা জানান একেবারেই বাহ্যল্য ।

চিত্রশিল্পী বন্ধু গোপাল সরকারের অকাল-বিয়োগ না ঘটলে
মধুক্রম প্রকাশিত হ’য়েছে দেখে যে সে কতখানি আনন্দিত হ’ত,
তা’ বলতে পারি না । তা’রই তাগিদে আমি রঙ্গ-কবিতা
লিখতে শুরু করি । আপনজন হারানোর মতই তা’কে হারানোর
ব্যথা আজ অনুভব করছি ।

শেষ কথা, মধুক্রম আজকের সমষ্টিগত চিন্তাক্রিষ্টের লুপ্ত হাসি
কণিকের জন্মও যদি ফোটাতে সক্ষম হয়, তবেই আমার শ্রম
সার্থক । ইতি—

মাধবীতলা, চুঁচুড়া
মূলন-পূর্ণিমা, ১৩৫৭ ।

শ্রীবিদ্যাকান্ত মুখোপাধ্যায় ।

ভূমিকা

স্নেহাম্পদ বিমল ভায়ার কবি-প্রতিভার পরিচয় বিভিন্ন সাময়িক পত্রিকায় বিভিন্ন সময়ে প্রকাশিত তাঁর নানা ধরনের কবিতা থেকে অনেকেই পেয়েছেন, আমিও সেই অনেকের একজন। “সঙ্গীত-বিজ্ঞান প্রবেশিকা” “পরাগ” “তপোবন” ‘দৈনিক বসুমতী’ “হিন্দু” “ভগ্নদূত” “হুন্দুভি” ‘কাটোয়া-বার্তা’ “সুবর্ণবণিক সমাচার” “যুগ-রবি” “চুঁচুড়া বার্তাবহ” প্রভৃতি মাসিক, সাপ্তাহিক ও দৈনিক পত্রিকায় তাঁর লেখা আমি পেয়েছি।

আজকে শ্রীমানের ‘মধুক্রম’ সাহিত্য-রসিকদের হাতে দেবার পূর্বক্ষণে, আমার বলবার কথা এইটুকু যে, বইখানার নামের প্রথমে ‘মধু’ থাকলেও, বইয়ের ভিতরে শুধু ‘মধু’ নেই--মৌমাছির ছলও আছে। যে সকল কল্পিত-চিত্র শ্রীমান এঁকেছেন, তাঁদের জীবন্ত অভিব্যক্তি ধারা আমাদের সমাজে আছেন, মৌমাছির ছল তাঁদের গায়ে বেশ ভালভাবেই বিধকে।

ঈশ্বর গুপ্ত লিখেছিলেন—“এত ভঙ্গ বঙ্গদেশ তবু রঙ্গে ভরা।” বাংলার সেই রঙ্গের স্রোতস্বিনী আজ শুকিয়ে যেতে চলেছে। স্বাধীন ভারতে—বাঙ্গালীর এবং সঙ্গে সঙ্গে বাংলা-ভাষার অস্তিত্বও থাকবে কি-না সন্দেহ। সেই শুষ্ক, নীরস, হাস্যহীন বাঙ্গালীর জীবনে একটু হাসি উপভোগের সুযোগ এনে দিয়েছে ভায়ার কবিতাগুলি।

তাঁর ‘দ্বিতীয়-পক্ষে’র বৃড়ো বহু যখন দুঃখ করে বলেন—

...“কানী বাওয়াই ছিল ভাল
শুটিয়ে সকল পাত্তাড়ি”

তখন বুড়োর দুঃখে না হেসে থাকতে পারা যায় না । আবার তাঁর 'ঠাণ্ডা-মামা'র চেহারার বর্ণনা যখন পড়ি—

'ভ্রমর-কৃষ্ণ রঙের বাহার, তা'র সে বেজায় বেঁটে'

এবং তা'র সাক্ষ্য-ভ্রমণের বর্ণনায় যখন দেখি যে—

...“ছলিয়ে দোতুল জালার মতন ভুঁড়ি” আর—

“মাথিয়ে কলপ গুম্ফ-রেখায়

যায় পথে আজ বিকালবেলায়,

এক হাতে সেই লগুড় এবং আর হাতে দেয় ভুঁড়ি”...

তখন যে চিত্রটি মানস-চক্ষে ভেসে ওঠে, সেটিও অনাবিল হাস্য-রসের সৃষ্টি করে মানুষের মনে ।

শ্রীমানের ব্যঙ্গ-রচনাগুলি সার্থক হোক ।

শ্রীমুখ্যমন্ত্রাধ্যক্ষ শ্রীমান্যোজ (শাস্ত্রী), বি এ,

চুঁচুড়া

স্বাধীনতা-দিবস

১৯৫০

ভূতপূর্ব সম্পাদক, 'পল্লীশ্রী' 'ব্রাহ্মণ-সমাজ'

'সাহানা' প্রভৃতি ।

সদ্য প্রকাশিত বিরাট ঐতিহাসিক গ্রন্থ

শ্রীমুখ্যমন্ত্রাধ্যক্ষ শ্রীমান্যোজ, বিদ্যাভিনোদ

প্রণীত

শুগলী জেলার ইতিহাস

বঙ্গভাষা সংস্কৃতি সম্মেলন

২ নং কালী লেন, কালীঘাট, কলিকাতা ।

ଅର୍ଗତ ପିତୃଦେବ
ନିତାଇଁଟାଏ ସୁଖୋପାଧ୍ୟାୟ

ଓ

ଅର୍ଗତା ସାତ୍ ଦେବୀ
ନୀରଦବରଣୀ ଦେବୀର

.....

ବାଂଞ୍ଚର ଅନ୍ୟତମ ଶ୍ରେଷ୍ଠ କବି
ଅକ୍ଷୟ ଶ୍ରୀକୃଷ୍ଣଦରଞ୍ଜନ ସାମ୍ବିକ ସହାୟକ

—ଆଶୀର୍ବାଣୀ—

ବିଳାସେ ଆନନ୍ଦ ସମ ସୁଖାୟିଣୀ ପ୍ରଭ,
ସମୁଦୟ ଇନ୍ଦ୍ର ଯେନ ମତ୍ୟ ସମୁଦୟ ।

ଶ୍ରୀକୃଷ୍ଣଦରଞ୍ଜନ ସାମ୍ବିକ ।

ପୁଣ୍ୟ-ସ୍ମାତିର

ଓଢ଼େସ୍ୟ

ଏହି ପୁସ୍ତକଧାନି

ଓଢ଼ିଆଗୀତିକା ଇଞ୍ଚିକା ।

সূচী-পত্র

১।	প্রেম-বিলাট	১
২।	নৃত্য-সঙ্কট	৬
৩।	মধু-মিলন	৭
৪।	পঞ্চাশে	১০
৫।	চন্দ্র-সমস্যা	১১
৬।	বিষম বিপর্যয়	১২
৭।	দ্বিতীয়-পক্ষ	১৭
৮।	গাজন নষ্ট	১৮
৯।	বাঘের কবলে	১৯
১০।	ঘেঁটু খুড়ো	২৩
১১।	রসকেলি	৩০
১২।	বোমা-বিলাট	৩১
১৩।	প্রতীকার	৩৬
১৪।	ঠাণ্ডা-মামা	৩৭
১৫।	ক্ষণ-বিলাস	৪১
১৬।	শরতের মেঘ	৪২
১৭।	রসিকতা	৪৩
১৮।	বপু-রহস্য	৪৩
১৯।	কেরানীর আক্ষেপ	৪৪
২০।	ঠাই মেলে না	

প্রেম-বিভ্রাট

ঢাকুরে লেকের ধারে—

প্রেমেশ নিয়ত বেড়াইতে আসে সাঁঝের অন্ধকারে ।
‘প্রেমেশ’ তবু সে প্রেমের ভিখারী,—এইটাই বড় দুখ,
ভিখারীরা তবু দ্বারে দ্বারে যাচে, তার যে ফোটে না মুখ ।
তরুণীর দল করে কোলাহল আশে পাশে তার নিতি,—
ইলা ডাকে—“শীলা” শীলা ডাকে—“ছায়া” হেনা ডাকে—“শোন্ বীথি !”
করে কেহ গান, কেহবা গল্প, হাসি-কৌতুক কত ;
প্রেমেশ একেলা বেঞ্চিতে ভাবে,—“আমি কি ভাগ্য-হত !”

চারু লঙ্ঘিত বেণী—

তুল্যে বেড়ায় ষোড়শীরা কত হেলে-তুলে বাঁধি শ্রেণী ।
অদূরে তাহার ছয়টি তরুণী বসে নিতি তরু-নীচে,
তার পানে কেহ চাহে না বারেক প্রেম-আঁধি হানি’ পিছে ।
প্রেমেশ কখনো উঠিয়া দাঁড়ায়, কভুবা বসিয়া পড়ে,—
আপনার মনে গান গাহিতেও ঠোঁট কাঁপে থর-থরে !
নিমেঘে নিমেঘে হাই তোলে সে-যে, আলস্য ভাঙ্গে খালি,
মনে মনে শুধু চলে অভিসার ভীরু প্রেম-দীপ জালি ।

* * * * *

মধুক্ৰম

একদা আসিয়া দেখে—

ক্ষুদ্র কাগজে একখানি চিঠি বেঞ্চে কে গেছে রেখে।
প্ৰেমেশ তুলি তা' আশ্রয়-ভরে পড়ে যায় চিঠিখানি,
চিঠির তলার দেখিল রয়েছে,—“ইতি তোমারই বাণী।”
কয়টি ছত্র লেখা সে পত্রে,—“বন্ধু নাম-না-জানা!
তোমারে আমার লাগিয়াছে ভাল, তাই দিই হেন হানা।
সাতটা রাত্রে কাল দেখা কোরো, পাশের বেঞ্চে ব'ব;
জেনে রেখো আজো মেলেনি জীবনে পুরুষের সৌরভ!”

প্ৰেমেশ পুলক-চিত্তে—

ফিরিল তখনি গৃহ-অভিমুখে হাতে তুড়ি দিতে দিতে।
পথে যেতে যেতে বার বার পড়ে, কত চিঠি বুকে চাপে,
প্রথম প্ৰেমের মধুর আভাসে সে-হিয়া দ্বিগুণ ফাঁপে!
বাড়ীর সমীপে আসিল যখন, দেখা হ'ল শ্ৰীশ সাথে,
কহিল প্রাণের বন্ধুরে পেয়ে,—“আজিকে আসিস্ রাতে;
কহিব ছ'চার কথা তোরে আমি অতিশয় দরকারী,
না এলে কিন্তু ভাল হবেনাক', তা'হলে রাগিব ভারী!”

* * * * *

মধুক্ৰম

শ্ৰীশ সব কথা রাতে—

শুনে গিয়ে কুট-মতলব আঁটে মধু আর পাঁচু সাথে ।
তিনে-মিলে এই ঠিক হল শেষে,—পরচুল কিনে আনি,—
বিপিন বাবুর চাকরকে কাল সাজাইবে তা'রা “বাণী” !
তিনজনে সেই চাকরের কাছে হইয়া উপস্থিত—
ঘেয়ে সাজাবারে রাজী করাইল,—সে-ও তা'তে পণ্ডিত !
দু'মাস আগে সে আর এক কাজ করেছিল তাহাদের,
বক্শিস্ তা'র মিলেছিল হাতে—আন্দাজ টাকা-দেড় !

পরদিন বৈকালে-

তা'রে সে-বেঞ্চে বসাইয়া তা'রা রহিল অন্তরালে ।
আধুনিকা-সম হেলায়ে অঙ্গ, নীরব হইয়া ব'সে—
পুস্তক-পাঠে রত সে' চাকর, খোঁপাটি বেঁধেছে কষে ।
সন্ধ্যা ক্রমেই ঘনাইয়া আসে, সাড়ে ছ'টা বুঝি বাজে,
এমন সময় প্রেমেশ আসিল সাজি অভিনব সাজে ।
সেই বেঞ্চে সে বসি একধারে ধরিল মৃদল গান,
চাকর তখন মুখ ঢেকে আছে, যেন করিয়াছে মান ।

মধুক্ৰম

ধীৰে ধীৰে কাছে গিয়ে—

প্ৰেমেশ কহিল,—“নীরবে রহিলে কেন ? কথা কও প্ৰিয়ে !
সাড়ে ছ’টা এই হয়েছে ঘড়িতে ! সাতটা ত’ বাজে নাই !
দেৱী হলে তুমি যদি ব্যথা পাও ! আগে আসিয়াছি তাই !”
আরো কাছে গিয়ে বাহতে জড়িয়ে সোহাগে কহিল “বাণি,
জীবনে প্ৰথম পৰশ লভিলু—ইহাই জানিও, বাণি !
জিজ্ঞাসা তুমি করিছ না মোরে কেন,—মোর কিবা নাম ?
জানিবারে তব নাহি প্ৰয়োজন—মোর পৰিচয়, ধাম ?”

করিল চাকর সুরু—

কুমীর-কাঁদুনী ফুঁপায়ে ফুঁপায়ে কুঞ্চিয়া ছ’টি ভুরু ।
“এ-কি ! কাঁদিতেছ ? কি কারণে বাণী, কি হয়েছে তব বল ?
হেথা যদি তব ভাল নাহি লাগে, বেড়াইয়া আসি চল !”—
প্ৰেমেশের কথা শুনি’ ধীৰে সেথা চাকর উঠিয়া যায়—
শ্ৰীশ, যধু, পাঁচু তিনজনে যেথা লুকাইয়া আছে হায় !
পিছু নিয়া তা’র কহিল প্ৰেমেশ,—“ওদিকে কোথায় যা’বে ?
এত কহি আমি, তুমি কি কেবল রহিবে মৌনভাবে ?”

মধুক্ৰম

শ্ৰীশ, পাঁচু আৰ মধু—

যেথা ছিল, সেথা আসিল প্ৰেমেশ সাথে ল'য়ে নব-বঁধু।

তাহাদেৰ হেৰি' চমকি' প্ৰেমেশ কহিল তিভু-স্বৰে,—

“তোৱা যে হঠাৎ এখানেতে বসে! ব্যাপাৰ কি বলত' রে ?

শ্ৰীশ মধু হেসে সরস-বাক্যে কহিল,—“প্ৰেমেশ, শোন্—”

কানে কানে কহে,—“উনি বাণী দেবী? এসেছে কতক্ষণ ?”

প্ৰেমেশ কহিল,—“আমাৰ আসাৰ আগে বসেছিল এসে,

কিন্তু কেন যে কথা কহিল না, কাঁদিয়া ফেলিল শেষে!”

প্ৰকাশে মধু কহে:

“প্ৰেম প্ৰেম কৰে গেছিন্ প্ৰেমেশ, তুই একেবাৰে ব'য়ে !

একটু বুদ্ধি থাকিত, কিন্তু গোবৰটুকুও নাই,—

এখন নুৰেছি মস্তকে তোৰ ভৰা শুধু পোড়া ছাই !

না হ'লে কখনো ওই চিঠি পেয়ে পাগল হইয়া যাস্ !

বাণী কা'ৰে সেই চিঠিটি দিৱেছে? তাৰ কি মূল্য পাস্ ?

খুলি চাকৰেৰ পৰচুল পাঁচু—তা'ৰে এনে কাছাকাছি—

দেখায়ে কহিল,—“এই বেলা তুই চলে যা', প্ৰেমেশ, বাঁচি !”

নৃত্য-সঙ্কট

আমি নাচ শিখেছি, আর কি ভাবনা !
কিন্তু পায়ের বিষ-ফোড়া যে আজ অবধি সারল না !
(ভবু) পেতাম যদি ভাল উঠান
বইয়ে দিতাম নাচের তুফান,
কোথায় লাগে—‘উদয়শঙ্কর’ ‘মণিবর্ধন’ ‘সাধনা’ !
খুব এবার নৃত্যশালা,
ঘুচবে সকল দুঃখ-জালা,
বায়না আগাম না দিলে কেউ,—কোথাও যাব না !

আর দেৱী নেই, আজ-বাদে-কাল—
থিয়েটারে ডাকলো বলে,
ফিল্ম-তার। হ’বই হ’ব—নাচের নিপুণ কৌশলে ;
(ওরে স্বাৰা !) বিষ-ফোড়াটা উঠছে ফুলে,
(ওঃ-হো-হো) উঠলে করে দপ্, দপ্, দপ্,—
(উঃ-হ-হ) চিৰিক্ মাৰে শুলে ;
আমার সকল আশা পণ্ড বে হয়,
ফোড়াই সাধে বাদ সেধে ব’র,
ওষুধ দিয়েও কচ্ছে না-বে শিব্-টন্-টন্ বেদনা !

মধুক্ৰম

মধু-মিলন

- গিন্নী । হঠাৎ কেন হেথায় অসময়ে ?
কারণটা কি ? চূপ করে যে ?.. ভয়ে ?
- কৰ্তা । না না না, ভয় কিছু শু' নয়, প্রিয়ে,
বল্ছিলাম কি, এই তোমার গিয়ে.....
- গিন্নী । ণাকামী সেই করবে চিরকাল ?
বল্বে বল, ধরছে বুঝি ডাল !
- কৰ্তা । চললে কেন ? আচ্ছা এস ফিরে,
নামিয়ে ডাল, শুন্বে ধীরে ধীরে ।
- গিন্নী । এসেছি, কই, এবার বল দেখি ?
ক্রমেই কাছে আস্ছ কেন, একি ?
- কৰ্তা । আর যাব না ! দোহেরি মাঝখান্—
রইল তবে দু'হাত ব্যবধান ।
- গিন্নী । হ্যাঁ, সেই ডাল ! বল্ছিলে কি বল ?
হাটে যা'বার অনেক বেলা হ'ল !

মধুক্ৰম

- কৰ্তা । এই যে বলি, কি বল্ছিহু আমি ?
ভুলে গেলাম ! বল্ছি কিছু খামি' !
- গিন্নী । ধন্তি ! বলি, আচ্ছা ত' যা-হোক !
তুমি অমন পঁ্যাচের কেন লোক ?
- কৰ্তা । পঁ্যাচের আমি ! হায়রে ভগবান !
ভালবাসার এই কি শেষে দান !
- গিন্নী । কি যে অসীম তোমার ভালবাসা,
তা'রি আবার এমনধারা ভাষা !
- কৰ্তা । ঘাট হয়েছে ! তেমনতর কথা—
বলে তোমায় দেব' না আর ব্যথা !
- গিন্নী । আহা, আমার নানা গুণের গুণী !
বেশ করেছে, এবার বল শুনি ?
- কৰ্তা । আগুন হয়ে যদি না যাও জলে,
প্ৰাণের কথা তবে ত' সুখ বলে !
- গিন্নী । তুমি কেবল সব সময়ে দেখি—
হাড়-জালাতে, মাস-পোড়াতে ঢেঁকি !
- কৰ্তা । এমনি করে বল্বে দিবা-যামী ?
ঢের সয়েছি, আর স'ব না আমি !

মধুক্ৰম

- গিন্নী । আঃ মৱিৱে ! তুল্ছে দেখ গ্ৰীবা !
কেন, এবাৱ কৰবে তুমি কিবা ?
- কৰ্ত্তা । কৰব কিবা ! এমন বাঁচা-চেয়ে—
ভাবছি মনে মৱিৱে বিষ খেয়ে !
- গিন্নী । সকল-তাতে “মৰব আমি,” ইস্ !
মুড়ো ঝাঁটাৰ ঝাড়ব ও-সে বিষ !
- কৰ্ত্তা । বেশ মৱিগে, দিও না তা'ৰ বাধা !
মৰলে শেষে দেখবে চোখে ধাঁধা !
- গিন্নী । সত্যি না-কি ? এ-কি বিষম দাৱ !
ঘাট হৱেছে, পড়ি তোমাৰ পা'ৰ !
- কৰ্ত্তা । না, ছাড়, আৰ শুন্ব না ও-কথা !
নিতিয় তুমি দিচ্ছ প্ৰাণে ব্যথা !
- গিন্নী । না না, ওগো, বলব না আৰ কিছু,
শুন্ব কথা মুখটি ৰেখে নীচু ।
- কৰ্ত্তা । বেশ, কিন্তু এবাৱ কিছু হ'লে,—
সঠিক দেখ, মৰতে যা'ব চলে !
- গিন্নী । এমন তুমি সৰ্ব্বনেশে কথা—
বলে আমাৰ দিও না আৰ ব্যথা !

মধুক্ৰম

- কৰ্তা । আচ্ছা, তবে আসল কথা বলে—
রিব্বো করে হাতেতে যাই চলে ।
- গিন্নী । বেশ ত', ফেরা সকাল করে হ'বে !
আসল কথা ফিরে এসেই ক'বে !
- কৰ্তা । না, সে কি হয় ! বলছি তবে প্রিয়ে,—
বড্ড দূরে দাঁড়িয়ে.....মানে.....ইয়ে.....
- গিন্নী । এত কাছেই দাঁড়িয়ে আছি, তবু.....
এমনধারা দেখিনি হার কভু !
- কৰ্তা । এস গো আজ আরও কাছে তুমি,
সাধ জেগেছে, একটি শুধু চুমি !

পঞ্চাশে—

- শারী । রসিকতা ভাল আর লাগেনাক' নিত্যি !
ঘুমটাকে চট্‌কালে হামেসাই জলে ওঠে পিত্তি !
- শুক । তুমি ভারী বেরসিক, হও রোষে মত্ত !
মিলনের স্বাদে বল আছে কি-না চির-নুতনত্ব ?

মধুক্ৰম

চক্ৰ-সমস্যা

(BLACK-OUT)

বড় . জবর খবর শোনো, ভায়া, দেখে এলেম কোল্কাভায় !

অমন আলোয় ভরা সহরখানা রাতের বেলায় চেনা দায় !

রিফ্লা, টেরাম্, মটর চলে

তাইতে যে-সব বাতি জলে,—

(না জলারই সামিল, সে-ষে)

ঢাকনী ঝাঁকে পথের আলো পিটপিটিয়ে মিছেই চায় !

দোকান, বাড়ীর আলোর রেখা—

বাইরে থেকে যায় না দেখা,

(কিছুই দেখা যায় না, ভায়া)

বুড়োর সঙ্গে তরুণীরা—হামেসা সব ধাক্কা খায় !

পথিক চলে বিড়ি ফুঁকে,

কইবো কি আর পোড়া-মুখে,—

(জোনাকী সব জলছে যেন)

ভায়া ! রাস্তা চেনা দূরের কথা,—পাশের লোক না চেনা যায় !

(যা'হোক) কৃষ্ণপক্ষ কাটবে ভাল,

(কিন্তু) গুরুপক্ষ ঢালবে আলো ,

(স্বয়ং দেবতা বিরূপ, ভায়া)

হুঁতাবনা তাই তো আমার, (ও-সে) চাঁদে কে ঢাকবে হায় !

বিষম বিপর্যয়

শয্যা-পরে তাকিয়া-কোলে

ভোরের চা'য়ে চুমুক দিয়ে—

খোস-মেজাজে গজেন বাবু

ক'ন্ তোয়াজে,—“শুন্ছ প্রিয়ে !

আজকে ভাল লাগছে ভারী,

মনটা যেন হাঙ্কা-তুলো,

তাস-খেলাটা জম্বে খাসা,

জুটবে এসে বন্ধুগুলো !”

উন্মাদিনী ব্যস্তভাবে

ছিলেন কা'য়ে রান্নাঘরে,

শুন্তে পেয়ে স্বামীর কথা

এলেন ছুটে রোষের ভরে ।

পঞ্চমেতে কণ্ঠ তুলে

বলেন,—“যদি ভালটা চাও,

শিকের তবে তাস-দাবাটা

সবার আগে ঝুলিয়ে দাও !”

মধুক্ৰম

সোহাগ-স্বরে গজেন বাবু

বলেন,—“আহা, চট্ছ কেন ?

বুখাই কি গো গড়িয়ে যাবে

শনিবারের দিনটা হেন !

যাক্ সে-কথা ! বাজ্ ল ক'টা ?—

ন'টা-দশের মিল্বে গাড়ী ?

আজকে যে গো মাইনে হবে,

আন্ব কি সে' ঝরণা-শাড়ী ?”

দীপক-রাগে হঠাৎ জলে

ওঠেন বটে উন্মাদিনী,

মল্লারেতে জল নামাতে

অদ্বিতীয়া তেমনি তিনি ।

“ঝরণা-শাড়ী নয়ক' শুধু,

বলেছিলেম আরও যেটা ?...

আনতে যেন ভুলো না কুজ্,

আগে আমার চাই যে সেটা !”

মধুক্ৰম

উন্মাদিনী থাম্লে পরে

গজেন বাবু বলেন,—“সে-কি !

ভুল্ৰ আমি তোমার কথা ?

আমার কথা নরক' মেকি !

অনেক বেলা হ'ল মিছেই,

যাই সেরেনি স্নানটা তবে ;

রান্না-বাড়ার যোগাড় দেখ,—

আর কেনবা দাঁড়িয়ে র'বে ?”

উন্মাদিনী উল্লাসেতে

রান্নাঘরে দেখেন গিয়ে—

উনান ছ'টো ঘুমিয়ে আছে,

রেগে ওঠেন গিস্গিজিয়ে ।

চিলের মত চেঁচিয়ে উঠে,

ভাতের হাঁড়ি নামিয়ে রোষে—

হাতটি রেখে গালের 'পরে

'কি ছাই করি'—ভাবেন বসে ।

মধুক্ৰম

গজেন বাবু কলের থেকে

ধক্কড়িয়ে আসতে যেয়ে—

ঐরাবতী বপুটি তাঁর

পড়ল বেগে আছাড়-খেয়ে।

উন্মাদিনী ছুটে এসেই

দেখেন, স্বামী করেন গৌ গৌ,

আর্তনাদে মাতিয়ে পাড়া

কঁদে বলেন,—“শুন্ছ, ওগো!”

জমল এসে কাতার দিয়ে

পাড়ার যত তরুণদল,

মিটমিটিয়ে গজেন বাবু

চেয়ে বলেন—“একটু জল!”

“দিচ্ছি”—বলে উন্মাদিনী

রান্নাঘরে ছরিত গিয়ে—

এক নিমেষে আড়াই-সেরা

সজল ঘটি এলেন নিয়ে।

মধুক্ৰম

গজেন বাবু মিটিয়ে তুৰা

বলেন ব্যথা-কাতরস্বরে—

“গতর ভেঙ্গে গুঁড়িয়ে গেছে,

আমার তোরা তোলরে ঘরে!”

জন-দশেকে তুলতে নারে

এমনি ভারী গজেন বাবু,

জন-ষোলতে তুলল শেষে,

তা'তেও হল বেজায় কাবু!

ফিরল তা'রা যে-যা'র বাড়ী

শয়ন-ঘরে গুইয়ে রেখে,

উন্মাদিনী তখন সবে

বলেন দিতে বৈজ্ঞ ডেকে ।

* * *

বৈজ্ঞ এসে হাতটি দেখে

বলেন,—“অতি সাবধানেতে

দিন-পনের রাখতে হবে

মুড়িয়ে মোটা কষলেতে!”

মধুক্ৰম

দ্বিতীয়-পক্ষ

হ'ল এ বিয়ে কৰাই বাক্‌মারী !
ভেবেছিলেম দোজ-পক্ষের

বিয়ের বৃষ্টি সুখ ভারী !

কোথায় হয়ে মনের মত,
বুড়োর সেবায় থাক্বে রত,
ভাব্‌নু যতন কৰ্বে কত.

আমি

হায়-হায় ! সেবা কৰা চুলোয় গেল,

এখন

মন পাওয়া যে দায় তা'রি !

তখন সবাই বল্‌লো কত—

‘বিয়ে-খাঁ আর কোরো না,

কাশী-বাসী হয়ে এবার

আসল পথটি ধরো না !’

নিত্য নতুন বায়নাতে তা'র—

আমার

দিনে দিনে হিম হ'ল হাড়,

এখন

উপায়ও নেই পালাবার,

তখন

কাশী যাওয়াই ছিল ভাল—

শুটিয়ে সকল পাত্‌তাড়ি !

গাজন নষ্ট

যরি হাররে হার !

তুখের কথা বলিবা কা'র ?—

আমার অদৃষ্টে হার সইলো না !

তখন

যৌবনেতে পা' বাড়িয়ে

করি

গুটি আষ্টেক মাত্র বিয়ে,

বিশ বছরের মধ্যে দেখি একটিও বউ রইলো না !

একটি গেল জলে ডুবে, তিনটি বিস্ফটিকাতে,

দুইটি দিল গলার দড়ি, একটি রাজবন্দীতে,

শেষটি গেল বন্ধু নিরে, আজও দেখি ফিরলো না !

হাররে

অষ্ট বিয়ে করেও আমার সাধ-আশাটা মিটলো না !

কিন্তু

কালক্রে রাতে হঠাৎ দেখি স্বপ্ন ভারি চমৎকার,

ষোড়শী এক হেসে যেন পরিয়ে দিল মতির হার ;

আনন্দেতে ভাবছি যে তাই—

আবার বিয়ে করবো কি ছাই ?

এদিকে

বাহাত্তরে পা' দিয়েছি —

বাঁচারও আর ভরসা নাই !

আমার সকল দিকেই যন্ত্রণা !

তাবি তাই

অধিক বধু-সন্ন্যাসিনীই করলো গাজন নষ্ট গো,

এখন কে দেয় আমার সাধনা !

বাঘের কবলে

টুঁচুড়াতে প্রায় বছর ষাটেক আগে—
মাঝে মাঝে এসে করে যেত' বেশ উৎপাত চিতাবাঘে ।
বন-জঙ্গল ছিল চারিদিকে, ছিল না বিজলী-বাতি,
সাঁঝের পরেই মনে হ'ত যেন হয়েছে গভীর রাত্তি ।
আজিকার মত ছিল না তখন রাজপথে পিচ্-ঢালা,
তৈরী তখনো হয়নি এমন পাকা নর্দমা-নালা ।
লোক ছিল কম, ছিলনাক' মোটে এত জন-কলরব,
দিবসেই তাই খ্যাক-শিয়ালেরা চালাতো মহোৎসব ।

হেথা জৈষ্ঠের অসহ গ্রীষ্মরাতে—
নিয়তই মাঠে আমরা ক'জনে কাটাতাম এক-সাথে ।
একদা রাত্রে বন্ধুরা কেউ ছিল না আমার পাশে,
নির্জন মাঠে শুয়ে আছি একা দেহ এলাইয়া ঘাসে ।
গরমের চোটে চোখে নেই ঘুম, আন্‌চান্‌ করে প্রাণ,
কভু পাশ কিরি, কভু উঠে বসি, কখনো বা ধরি গান ।
তখন আমার বয়েস হয়ত' হবে কুড়ি বৎসর,
ঘটে গেল এক ঘটনা সেদিন, শোন, কি ভয়ঙ্কর !

মধুক্ৰম

তখন ৰাত্ৰি আন্ধাজ হু'টো হৰে,
নিঝৰুম্ মাঠ মুখৰিত শুধু একটানা ঝাঁঝি-ৰবে ।
সেদিন আবার ছিল ঘন-ঘোর অমাবস্যাৰ নিশি,
জমাট আঁধাৰ-মসী-বগ্গায় ডুবে গেছে দশ-দিশি ।
বিশ হাত দূৰে হয় না নজর, বোঝো, কি বিষম কালো,
মাঠেৰ প্ৰান্তে পিটপিটে এক জলে কেরোসিন-আলো ।
ভূতের ভয়টা ছিল না, কারণ, কভু ভূত দেখি নাই,
নিৰ্ভয়ে বহু ৰাত্ৰি একাই মাঠে যাপিতাম তাই ।

বসে আছি চেয়ে সেই আলোটাৰ পানে,
শুকনো পাতাৰ খসখস-ধ্বনি সহসা পশিল কানে ।
দক্ষিণে-বামে দেখিলাম চেয়ে, কোথাও ত' নাই কিছু,
সন্দেহ হ'তে, তাই মনে হ'ল দেখিবারে ফিৰে পিছু ।
পিছনে যেমন ফিৰিয়া চাহিলু নিছক কৌতূহলে—
দেখি, হু'টো ঠিক জোনাকীৰ মত কি যেন অদূৰে জলে !
মনে ভাবিলাম, আলোয়া নয় ত' ! সন্দেহ যায় বেড়ে,
গায়ে কাঁটা দিতে উঠিয়া তখন দাঁড়ালাম ঝেড়ে-মেৰে !

মধুক্ৰম

ধাঁধাঁ লাগেনি ত' !—আরো ভাবিলাম মনে,
তুই পদ তাই বাড়ানু সেদিকে অতি সন্তুৰ্ণে ।
মাগ্ৰহে খির-খর-দৃষ্টিতে ভেদিয়া অন্ধকার—
আবছায়াতেই মনে হ'ল যেন সেটা কোনো জানোয়ার !
তীর একটা দুৰ্গন্ধও পেলাম অকস্মাৎ ;
আর কেউ হ'লে, এর মধ্যেই ছেড়ে যেত' তা'র ধাত্ !
যাই হোক, তবু আরও এক পদ বাড়ালাম দৃঢ়-চিত্তে,
দেখি, বাঘ সেটা !—আমা-পানে চেয়ে আছে শ্বেন-দৃষ্টিতে !

দূরত্ব হবে হাত-তিরিশেক প্রায়,
ভেবে দেখ, আমি বাঘের কবলে আছি কি অবস্থায় !
শিকার পেলোও, জেনো, বাঘ কতু ধরেনাক' এক-লাফে,
তবু মনে হয়, এই বুলি ধরে ! তবে সারা-দেহ কাঁপে !
তুই-চারি পদ পিছে হেঁটে শেষে ছুটিছ উৰ্দ্ধ্বাসে,
এ-গলি-ও-গলি ক'রে দৌড়াই সে-মাঠের আশে-পাশে !
ছুটিতে ছুটিতে পিছু ফিরে দেখি, বাঘটাও আসে ধেয়ে,
দর দর ঘাম ঝরে অবিরাম সারাটা অক্ষ-বেয়ে !

মধুক্ৰম

ঘণ্টা খানেক ছুটে ছুটে হই সারা,
ফিরে ফিরে দেখি, তবু বেটা বাঘ সমানে করিছে তাড়া !
গলাটা শুকিয়ে হরে গেছে কাঠ দৌড়িয়া অবিরত,
চীৎকার করে প্রাণের-দায়তে হাঁক ছাড়িগুও কত—
কা'রো সাড়া নাই ! করি কি উপায় !—পাইনাক' কিছু খুঁজি,
মনে ভাবি, আজ বাঘের পেটেই শেষে যেতে হবে বুঝি !
নিরুপায় হরে অবশেষে হরা উঠে পড়ি এক গাছে,
মগ-ডালে এসে তখন আমার হাঁপ ছেড়ে প্রাণ বাঁচে !

গাছ থেকে বসে চারিদিকে চেয়ে দেখি,—
বাঘটা ত' নাই ! গেলবা কোথায় ! তা'হলে পালালো সে কি !
মহা-বিশ্বয়ে বিহ্বল হরে তিমির-আধার ঠেলি'—
চেয়ে আছি শুধু গাছের তলায় নিবিড় দৃষ্টি মেলি' !
সহসা দেখিগু, বাঘের ল্যাজটা ঠেকিছে আমার নাকে,
জানি না, কখন গাছের ডগায় উঠেছে সে কোন্ ঝাঁকে !
ছ'হাতে তখন ল্যাজ ধরে তা'র মারিগু সজোরে টান,
ঘুম ভেঙ্গে দেখি, ছিঁড়েছি স্বপনে—সখুঁট মশারিখান্ !

ঘেঁটু খুড়ো

ঘেঁটু খুড়োৰ কুঞ্জবনে জুটে বিকেলবেলা—

কম-বয়সী ক' বন্ধুতে চালায় দাবা-খেলা ।

এক-পক্ষে বদন, বিধু,

আৰ-পক্ষে সাগর সিধু ;

সেখায় খুড়ো এৰুটি পাশে হেলিয়ে দেহখান্—

আমেজে দেয় নিত্য তেড়ে গড়গড়াতে টান্ ।

পাঁচজনতে এমনিধাৰা

আড্ডা খাসা জমায় তা'ৰা,

পঞ্চাশে পা' দিয়েও খুড়ো রসেতে ভরপূৰ,

কাঁচা-পাকায় অবাধ চলে আলাপ সুমধূৰ ।

গত বছর খুড়োৰ জায়া

চুকিয়ে গেছে সকল মায়া,

তিন-কুলেতে বাতি দেবার নাইক' কেহ আৰ

আবার বিয়ে করতে না-কি সখও আছে তা'ৰ !

*

*

*

বসেছে আজ তাদের খেলা সেখায় যথাকালে,

আনমনে কি ভাবছে খুড়ো হাতটি রেখে গালে ।

ঘনিয়ে আসে সন্ধ্যা ক্ৰমে,

খেলাটা বেশ উঠছে জমে,

মধুক্ৰম

সাগর বলে—“কিস্তী দিলে হ'তই বাজীমাৎ !”

বদন বলে—“দেখনা করি এবার কুপোকাৎ !”

বল্ল সিধু—“গজের চেয়ে

কাজ কর্ত আড়াই-পেয়ে,

ঘোড়াটা মার গিয়ে সাগর, সবই গেল ফেসে !”

বল্ল বিধু—“ওরে বদন, রাজাকে ধর ঠেসে !”

বদন বলে—“দেখনা বাবু,

দু'টি চালেই করছি কারু !”

সাগর শুধু কিস্তী পেয়ে হচ্ছে নাজেহাল,

খেলাটা শেষ করল বিধু একটি ছেড়ে চাল ।

সাগর বলে—“খুড়ো যে আজ নিরুন্ন হ'য়ে বসে ?

কলকে ধরে মারলে না-কি গাঁজারি-টান্ কষে ?”

তখন খুড়ো দুঃখে সবে

কয়—“বিলিটা হচ্ছে কবে ?”

আসল কথা একদম কি পড়ল ধামা-চাপা ?

পারবি কি-না আমাকে শেষ জবাবটা দে' সাফা !”

বদন বলে—“ভাবছ কেন ?

হবেই খুড়ো, হাঁসিল জেনো !”

মধুক্ৰম

“হয় ফাগুনে, নয় বোশেখে, বুঝলে !”—বিধু বলে ।

বল্ল সিধু—“চেষ্টা খুঁড়ো, চলছে তলে-তলে !”

সাগর বলে—“বোশেখে নয়,

দেখনা যাতে ফাগুনে হয় !”

মুচকে হেসে বল্ল খুঁড়ো এই কথাটা শুনে—

‘আমারও যে ইচ্ছে বাপু, আগামী ফাগুনে !’

দাবার খুঁটি ছড়িয়ে সিধু বলে—“সাবাস্ খুঁড়ো !

এমন ডাঁসা-উচ্ছাসে কে তোমায় বলে বুড়ো ?”

“আর দেবী না, কালই গিয়ে

পাকা খবর আস্ব নিয়ে,

চলবে সিধু, বদন, বিধু”—সাগর বলে ওঠে ।

হল্লা করে ফিবল বাড়ী সকলে এক-জোটে ।

... পথের ধারে পুকুর-ঘাটে

চারজনাতে ফন্দী আটে—

‘পাড়ার সাধু নাগিতটাকে খাইয়ে টাকা-দশ

গোপনে কাল সকালবেলা করবে গিয়ে বশ ।’

... তোরে উঠেই একটি কাঁকে

জানালো সব নাগিতটাকে,

মধুক্ৰম

চতুৰতায় লোক-ঠকাতে সাধুও ওস্তাদ,
বায়না কিছু পেয়ে যে তা'র ধরে না আহ্লাদ ।

* * *

ভস্ম মেখে, গেকুয়া-জটা-ত্রিশূলধারী বেশে
তুপুৰে আজ হাজির সাধু খুড়োৱ বাড়ী এসে ।

দেখেই খুড়ো ভক্তিভৱে

সাধুৱ তু' পা জড়িয়ে ধৰে

বল্ল “বাবা, স্বপ্নে যেন দেখেছি কাল ৰাতে—

ছবছ এই মূৰ্ত্তিখানি পূৰ্ণ কৰুণাতে !”

খুড়োৱ মধু-সন্তোষণে

বল্ল সাধু হৃষ্ট-মনে—

“দয়াল প্ৰভু দেয় ৰে ধৰা গভীৰ প্ৰেম-মাঝ !

প্ৰেমময়ৰ ইচ্ছা ছাড়া হয় কি কোন কাজ !”

মুগ্ধ খুড়ো সাধুৱ ভাষে,

চতুৰ সাধু কপট-হাসে,

খুড়োৱ যত অতীত-কথা দশ-মুখে সে কয় ;

কৌতুহলে খুড়ো যে তাই অবাঞ্চে-চৈৱে ৰয় ।

বাৱেক সাধু ধাম্ল বটে কপ্চে শেখা-বুলি,
কিন্তু তা'ৰে হয়নি বলা আসল কথাগুলি ।

মধুক্ৰম

সহসা তাই খুড়োর প্রতি
দৃষ্টি হানি প্রথর অতি,
বল্ল শেষে চক্ষু মুদে—“কপালে তোর বেটা,
স্পষ্ট লেখা—‘আবার বিয়ে’—লক্ষ্য করি সেটা ;
কিন্তু তাতে মৃত্যু দেখি !”

চম্কে খুড়ো বল্ল—“সেকি ?
দোহাই বাবা, করুন কুপা কাটবে যা’তে কাঁড়া !
সাধ-আশা না মিটিয়ে আমি কেমনে যাই মারা !”

বল্ল সাধু—“বছর বার
এমনিভাবে কাটুক আরো,
তা’পর বিয়ে করিস্ যবে আসব আমি ফিরে !”
যাবার লাগি উঠল সাধু চক্ষু মেলি’ ধীরে ।

বৈকালে সে চারজনাত্তে জুটল যথারীতি,
কুঞ্জ খুড়ো নাইক’ দেখি সবার জাগে ভীতি ।

তখনি তাই কুঞ্জ ছাড়ি’

জন্ম গিয়ে খুড়োর বাড়ী,
দেখল, খুড়ো কক্ষে শুয়ে বেহঁসে ভুল বকে,
বিস্ফারিয়া তাকার শুধু পলকহারা-চোখে ।

মধুক্ৰম

হাজার ডাকে দেয় না সাড়া,
সবিস্ময়ে অবাক্ তা'রা ;
সাগর, সিধু ছুটল ত্রাসে আন্তে কবিরাজ,
বদন, বিধু সেবায় রত রইল গৃহ-মাঝ ।

... কবিরাজও বলল এসে—

“রোগটা দেখি সৰ্ব্বনেশে !
ভগবানের হাতেই জেনো, রোগীর বাঁচা-মরা !”
ব্যাপার হেন শুনে সবার চক্ষু ছানাবড়া ।

মাথার ঘৃত-কুমারী, কুঁচ-তৈল দিতে বলে—
পাড়ার কবিরাজ তখনি বেড়িয়ে গেল চলে ।
খুড়োর সেবা শুক্রঘাতে
চারজনাত্তে রইল রাতে,
গভীর রাতে খুড়োর হ'ল হাত-পা ছোড়া সুরু,
অবহাটা দেখে সবার হৃদয় তুরু তুরু ।
হঠাৎ খুড়ো দাঁড়িয়ে উঠে
বেরিয়ে যেতে চাইল ছুটে,
বিকারে কর—“মরিই যদি, মরব বিয়ে করে !”
চারজনাত্তে তখনি তা'র শুইয়ে দিল ধরে ।

মধুক্ৰম

শ্ৰান্ত হৱে ৰাত্ৰি-শেষে
নিৰুন্ম সবো তৰ্জাৰে,
উষাৰ আলো ফুটল যবে, চমক ভেঙ্গে তা'ৰা—
আঁকে উঠে দেখল, খুড়ো কখন্ গেছে য়াৰা !

* * * *

বুদ্ধেৰা সে খবৰ শুনে দেখতে তা'ৰে এলো,
বল্ল সবো—“বেচাৰা হায়, হঠাৎ য়াৰা গেল !

আমৰা কি-না বহু পড়ে,

ঘেঁটুই ত্বৰা পড়ল সৰে !

বয়েসটাও হয়নি আহা, এমন বেশী কিছু !”

অনেক কথা বলার পরে ফিৰল সবো পিছু ।

... খবৰ পেয়ে সাধুও শেষে

তা'গৰ সেখা পড়ল এসে,

বল্ল হেসে—“হুঃখ কিছু ক'ৰ না কেউ এতে,

বিয়ে-পাগলা বুড়ো পেলোই ভাৰবে পিঠ বেতে !”

মাথার কাছে সাগর, সিধু,

পায়ের কাছে বদন, বিধু—

দাঁড়িয়েছিল ; তখন সাধু আবার বলে হেসে—

“বয়ের মেরে উদ্ধাৰিতে চল্ল খুড়ো শেষে !”

বোমা-বিভ্ৰাট

সোফায় বিপুল দেহ এলাইয়া, গড়গড়া টানি' ঘৰে—
নিবিষ্ট মনে 'দৈনিক দেশ' গিরিৰাজ যান্ পড়ে।

মেনকা আসিয়া বলেন সহসা—

“জানি না, এবাৰ হবে কি-যে দশা !

নিৰ্ভাবনায় আছ তুমি খাসা—নাকে বেশ তেল ঢেলে !
বলি, আর কেন ? মেয়ের বাড়ীই চলো যাই সব ফেলে !

আর থাকা মোটে নিরাপদ নয়,

দেখে-শুনে যোগো লাগে বড় ভয় !

সে যদি আবার এসে পড়ে এই মহা-বিপদের মাঝে !
জানিনাক', তবে কি-যে হবে, আমি ভেবে কুল পাই না-যে !

তা'রো ত' আসার দেৱী বেশী নেই,

এলো বলে আর ক'দিন বাদেই,

হয়ত' বা তা'রা হয়েছে রওনা নন্দী-ভৃঙ্গী-সাথে !

তাই বলি চলো, ভালোয়-ভালোয় এইবেলা দু'জনাতে !”

দৈনিকখানা রাখিয়া তখন

ওক-গন্তীৰে গিরিৰাজ কন—

মধুক্ৰম

“কেন মিছে হও উতলা, মেনকা ?—মোটে হয়োনাক’ ভীতা !
তুমিও যেমন পাকুর জননী, আমিও ত’ বটে পিতা !

সে-বে আমাদের আদরের মেয়ে,
কতদিন তা’র আছি পথ-চেরে,

বৎসরান্তে সে না এলে হয়—রূপে আলোকিতে ঘর !
এত ভীকু হ’লে চলে কি, মেনকা, সাহসেতে করো ভর !”

মেনকা কহেন— কিন্তু এদিকে
হ’ল দায় যেগো আর থাকা টিকে !

বোমার জালায় যেখানে যে পায় পালাচ্ছে ছেড়ে ঠাই !
বুড়ো বয়সে কি বোমা চাপা পড়ে ছ’জনে মরবো ছাই !”

সহসা উঠিল ‘সাইরেন্’-ধ্বনি,
কি যেন অদূরে ফাটিল তখনি,—

শুনি’ গিরিরাজ চমকি’ ত্রস্তে যেই দাঁড়ালেন উঠি’—
গড়গড়া তাঁর পায়ের আঘাতে খেলো ঘরে লুটোপুটি ।

সভয়ে মেনকা বাতায়ন হ’তে
মেলিলেন দিঠি সমুখের পথে,

নিরখি’ কহেন— হায়রে কপাল ! ও-বে তেমাখার মোড়ে—
ছ’টো মিলিটারী লরীতে ধাক্কা লেগেছে বিষম জোরে !”

কম্পিত-স্বরে গিরিরাজ কন্—
“সাইরেন্ দিল তবে কি কারণ ?

মধুক্ৰম

নিশ্চয় কিছু হয়েছে, না-হয় হ'তে পারে শিন্নির !”
মেনকা কহেন—“এত ভয় শেষে ? তুমি না সাহসী-বীর !

সামান্য ওই শব্দ শুনেই

তোমার যদি গো অবস্থা এই,

তখন তা'হলে করবে কি, যদি সত্যিই কিছু ঘটে ?
তুমিই আমাকে ফেলবে দেখছি শেষে উভ-সঙ্কটে !”

বিপদ কাটার একটানা-সুরে

সাইরেন্ পুন বাজিল অদূরে ;

স্বস্তির খাস ফেলি' গিরিরাজ সোফায় বসিয়া কন্—

“বাঁচা গেল বাবা ! আড়ষ্ট হ'য়ে ছিলাম এতক্ষণ !

সেই ভাল বাপু কাজ নেই আর,

করে ফেলো তুমি যা'বারি যোগাড় !

দিনে-রাতে এই আতঙ্ক নিয়ে সত্যিই থাকা দায় !

কাল প্রভাতেই তবে তাই চলো, সরে পড়ি হুজনার !”

ভৃত্য চা-হাতে প্রবেশিল ঘরে,

মেনকা তখন তা'রে কন্—“ওরে,

কাল ভোরবেলা যা'বো কৈলাসে আমরা, পারুর বাড়ী ;

বিকেলেরেই যেন ঠিক হ'য়ে থাকে একটা মোটর-গাড়ী !

কিছুদিন র'বো আমরা সেখানে,

দেখা-শোনা তুই করিস্ এখানে !”

মধুক্ৰম

ভৃত্য কহিল—“আচ্ছা মা, তবে গাড়ী ত’ মিলবে না ক’!”

গিরিৰাজ কন্—“তবেই হয়েছে! ওই আশাতেই থাক!

খবর রেখেছি অনেক আগেই,

যা’বার ইচ্ছে ছিল না তা’তেই,

গাড়ীও যদি বা মেলে কোনমতে, মিলবে না পেট্রোল!

পোড়া, যুদ্ধের জ্বালায় হ’য়েছে সবতা’তে কন্ট্রোল!”

মেনকা কহেন—“বল কি গো, তবে

এত পথ শেষে হেঁটে যেতে হ’বে?”

গিরিৰাজ কন্—“তা’ ছাড়া উপায় পাই না ত’ কিছু খুঁজে;

দীর্ঘ পথে পা বাড়াবার আগে দেখ বাপু, মনে বুঝে!”

মেনকা কহেন—“ভাবো তুমি আগে,

তোমার সাথেই যেতে ভয় লাগে!”

গিরিৰাজ কন্—“তুমি যদি পারো, কেন পারবো না আমি!

নিশ্চিত জেনো, সঁরাটা রাস্তা হ’বো ঠিক অমুগামী!”

*

*

*

*

ঘন অরণ্য, গিরি-পৰ্বত,

তা’র মাঝে দূর বন্ধুর পথ;

গিরিৰাজ আর মেনকা দুজনে চলেছেন পদ-রথে,

কভু গিরি-কোলে, কভু তরুতলে বিরাম লইয়া পথে।

চলিতে চলিতে সহসা থমকি’

মেনকা কহেন—“ওখানে দেখ কি!—

মধুক্ৰম

ঝোপের পিছনে খোঁয়া কুণ্ডলী পাকিয়ে উঠছে যেন !”
হেরি বিস্ময়ে গিরিরাজ কন্—“তাইত’ মেনকা ! কেন ?... ”

এই সেরেছে ! ও আর কিছু নয়,
ছিটকে এসেছে বোমা নিশ্চয় !

কাজ নেই আর এগিয়ে ওদিকে, বাড়ী ফিরে যাই চলো !”
মেনকা কহেন—ধন্তি পুরুষ ! সবতা’তে কি-যে বলো !”

ভীতি-বিহ্বলে কন্ গিরিরাজ —

“বেঘোরে প্রাণটা বা’বে যোগো আজ !

কখন্ যে ওটা ফাটবে হঠাৎ—সে-কথা কেইবা জানে !
দোহাই মেনকা, আর নয়, চলো সরে পড়ি মানে-মানে !”

মেনকা তখন কহেন সরোষে—

“চল্লাম আমি, থাক তুমি বসে !”

গিরিরাজ তাঁর হাত ধরি’ কন্—“ওদিকে কোথায় যাও ?”

মেনকা কহেন—“ওটা কি জিনিষ দেখতেই আগে দাও !

মহা-ভীতু দেখি ! চলো দুজনেই.—

মরণ না-হয় হ’বে বোমাতেই !”

শেষে দৌছে ভীক-পদবিক্ষেপে অতি সন্তর্পণে—

চলিলেন সেই ঝোপের নিকটে উৎকণ্ঠিত মনে ।... ”

ঝোপের আড়ালে দাঁড়িয়ে উভয়ে

কি আছে দেখেন উদ্‌গ্রীব হ’য়ে,

মধুক্ৰম

সহসা মেনকা হাসি' কন্—“ঘটে এই ছিল অবশেষ !”

গিরিৰাজ কন্—“বোমা নয় এ-যে আমাদেরি ব্যোমকেশ !”

শশব্যস্তে উঠিয়া পিনাকী

গাঁজার কলিকা লুকাইয়া রাখি'

শুশুর এবং শাশুরীর পদে প্রণাম জানায় কন্—

“নন্দী, ভৃঙ্গী দু'জনেই গেছে মর্ত্যে অনেকক্ষণ !”

মেনকা কহেন—“বাবা, সেথাকার

কিছুই অজানা নাই ত' তোমার !”

গিরিৰাজ কন্—“তাই বুঝি তুমি ব্যাকুল হ'য়েছ এত ?

পার্বতী মা'র খবর কি, বাবা ? বেশ ভাল আছে সে ত' ?

পিনাকী দিলেন তাঁর সে-কথায়

ধীরে ঘাড় নাড়ি' সানন্দে সায় ;

তিনজনে তাঁ'রা এক-সাথে চলা শুরু করিলেন তবে ,

পিনাকী কহে—“কৈলাস আর সামান্য পথ হ'বে !”

প্রতীক্ষায়—

আহা, মরি-মরি ! 'কাকর-মণি' ও 'তেঁতুলের বীজ' চূর্ণ !

তা'র খাসা তেল 'শিয়াল-কাটা'র নির্যাস-রস পূর্ণ ॥

না জানি, এবার কোন্ মহাজন কি আবিষ্কারে মত্ত !

হয়ত' বা সেটা আনিবে সবার নবতম অমরত্ব ॥

ঠাণ্ডা-মামা

ঠাণ্ডাচরণ লোকটি রসিক, মেজাজ গঙ্গাজল,
উর্ধ্বরা টাক্-মাথায় গজায় গল্প অনর্গল ।

হাস্ত-রসের গল্প বলার

কৌতুকী-ভাব-ভঙ্গীটি তার—

দেখলে সবার শোনার আগেই জাগায় কৌতুহল,
চটলে মেজাজ আগ্নেয়াচল, কাঁপায় পৃথ্বীতল ।

ভ্রমর-কৃষ্ণ রঙের বাহার, তা'র সে বেজায় বেঁটে,
জয়টাকোপম বপুর বহর ; প্রত্যহ যায় হেঁটে—

দীঘির ধারের চালতাতলায়,

বৈকালে বেশ আসর জমায়—

হরেক রকম রং-বেরঙের গল্প-গুজব এঁটে ;
সর্বদা তার রয় হাতে এক নীরেট বাঁশের খেঁটে ।

বাহার তার বয়স, কিন্তু নয় সে বৃদ্ধ-ঘেঁষা,
শিং ভেঙ্গে তাই বাছুরের দলে চলে তার মেলামেশা ।

কেষ্ট-বিষ্ট-যদো-রামা-শ্যামা—

ঠাণ্ডাচরণ সবাকার মামা,

গল্প-গুজব প্রতিদিন বলা—এ যেমন তার পেশা,
ভাগ্নের দলে জাগেও তেমনি নয়-গল্পের নেশা ।

মধুক্ৰম

ঠাণ্ডাচরণ ছলিয়ে দোতুল জালার মতন ভুঁড়ি,
লাগিয়ে জামার পকেটে লাল কাঠ-গোলাপের কুঁড়ি,
মাথিয়ে কলপ গুন্ফ-রেথার
যায় পথে আজ বিকেলবেলায়,
এক হাতে সেই লগুড় এবং আর হাতে দেয় তুড়ি,
দেখলেই তা'র ঠিক মনে হয়—বয়স উনিশ-কুড়ি ।
পথের মধ্যে জন তিন-চার অকাল-পক্ষ মিলে—
“গুজরাটী গজ”—এই বলে তার হঠাৎ ফেপিয়ে দিলে
ড্যাভ্‌ডেবে চোখ রাঙিয়ে তাদের
ঠাণ্ডাচরণ কর—যদি ফের
এমনি করিস, এই ডাণ্ডায় ফাটবে তোদের পিলে !
যমদূত-দল, জোট করে সব কোথায় লুকিয়ে ছিলে ?”
একজন। তার মধ্যে আবার বলল—“ঠাণ্ডামামা,
কোন্ দর্জির তৈরী অমন তোমার ঢোলক-জামা ?”
ঠাণ্ডাচরণ উচিয়ে ডাণ্ডা
বলল—“বাদর তুমিই পাণ্ডা ?”
আর একজন। বলল—মামার পেটটি বিরাট ধামা,
লাগলে লড়াই যায় বলা ঠিক. কারবে গোবর-গামা !”

মধুক্ৰম

অগ্নিশিখা ঠাণ্ডাচরণ দরু দরু দরু ঘামি'
চীৎকারে কর—“গর্জবদল, ঠাট্টার লোক আমি ?

বোম্বটে সব পাজী-বজ্জাত,

হাস্ছে আবার বের করে দাঁত !

যখন-তখন আমার সঙ্গে পেয়েছিষ্ দুষ্টামী ?

আর দেখি সব ভাঙ্গবই আজ তোদের ও-ফাজ্লামী !”

অল্প ছুটেই ঠাণ্ডাচরণ হাঁপায় বারংবার,

তাদের সঙ্গে পাল্লা দেবার সাধ্য ত' নেই তার !

গলদ-ঘর্ষে থস্থসে যায়,

আবোল-তাবোল যায় বকে তা'য়,

বসল খানিক আমলকী-ছায় বাঁকিয়ে সমেদ ঘাড় ;

ঠাণ্ডামামার বহি-মূর্তি দেখতে চমৎকার !

দীঘির ধারের চান্তাতলার নব্য যুবার বেশে—

বিলম্বে তাই ঠাণ্ডাচরণ পৌঁছাল আজ এসে ।

উৎসুকাকুল তরুণের দল

তার দেখে সব হল চঞ্চল,

নূতন গল্প শোনার আশায় বসল সবাই ঘেঁষে ;

গল্প বলাও হয় সুরু তার মধুর আলাপ-শেষে ।

মধুক্ৰম

শোন্ বলি এক সত্যি গল্প ; অনেক বছর আগে,
জন পাঁচ-ছয় বন্ধুতে যাই ফল খেতে রায়বাগে ।

কেউ পাড়ে বেল, কেউ কালোজাম,

কেউবা খেজুর, কেউ কাঁচা আম,

সাপে-নেউলের সেইখানে এক হঠাৎ ঝগড়া লাগে ;

ভীষণ ব্যাপার ! আজও আমার বলতেও ভয় জাগে !

সেই দেখে সব ছুঁদার উঠে পড়ল খেজুরগাছে,

প্রাণপণে গাছ আঁকড়ে তখন হাঁপ ছেড়ে প্রাণ বাঁচে !

বাবলা-ঝোপের মধ্যে ছটোয়

গর্জিয়ে ল্যাজ ছড়ায়-ওটোয়,

এর থেকে ওর তফাৎ মাত্র হাত পাঁচ-ছয় আছে

সাপ কবে কোন্-গোয়ারে নেউল যেমনি এগোর কাছে !

সাপটা যেমন মোটার, তেমনি পেঁয়াজ লম্বাতে !

কুলোর মতন চক্র কি তার ! লকলকে জিব্ তা'তে !

নেউলটা ? ওঃ ! বলব কি আর !

ল্যাজটাই তার হাত তিন-চার !

এদিক-ওদিক করছে ছটোয় তর্জিয়ে হিংসাতে !

খেজুরগাছের ডগ থেকে সব দেখছি সেদিকটাতে !

মধুক্ৰম

দেখতে দেখতে লড়াই তাদের লাগল বিষম জোরে
কেউ কা'রো বাগ মান্ছে না হার ঘন্টা ছ'য়েক ধরে

বুক কাঁপে সব থর থর থর,

হাত-পা মেঁদোয় পেটের ভেতর,

বাগ বেড়ে যায় ছটোর যতই ধস্তাধস্তি করে !

মন দিয়ে শোন, অবাক-কাণ্ড ঘটল কি তারপরে !

দেখলাম, সেই নেউলটা প্রায় লাফ দিয়ে হাত-সাত
ল্যাজটা সাপের বাগিয়ে হঠাৎ করছে উদরসাৎ !

সাপটাও সেই অবস্থাতেই

বাড়িয়ে নাগাল বাগ পেল যেই—

নেউলটারও ল্যাজটা ধরেই যায় গিলে এক-সাথ !

এমন সময় ভাঙ্গল আমার ঘুমটা° অকস্মাৎ !”

ক্ষণ-বিলাস—

অফিসের হাড়-ভাঙ্গা খাটুনির অস্তে

সন্ধ্যার গৃহ-কোণে ঠোঁট চাপি' দস্তে,—

নটবর তবলার তোলে বোল্ ধিন্তা

দূরে ঠেলি' অনটন-অভাবের চিন্তা ।

শরতের মেঘ

রসিকের সাথে গিন্নীর বেশ হয়নাক' বনিবনা,
মধ্যে মধ্যে কুরুক্ষেত্র বাধাবেই অঞ্জনা ।
একটু আগেই লঙ্কাকাণ্ড আজো হয়ে গেল বেশ,
রণক্লাস্ত অঞ্জনা তাই ফেলে দ্রুত নিঃশ্বেস ।
মুখরা বৌয়ের পরুষ-বচন নিরীহ রসিকলাল
নীরবে সহিয়া আসিছে সকলি নতমুখে এতকাল ।
অতিষ্ঠ হয়ে বেচারী রসিক আজিকার ঘটনায়
কহিল কাতরে—“চল্লাম আমি, যেদিকে ছ'চোখ যায় ।”—
বলিয়া সে হার বাহিরিল পথে নিদারুণ ফোভে-দুখে ;
বাচাল গিন্নী দ্বার আগলিয়া দাঁড়াইল বৃথা রুখে ।

* * *

গৃহে অঞ্জনা অশন-ভূষণ বিলাস-ব্যসন ছাড়ি'
দিনান্তে জানে ভাবে—“সে কি তবে ফিরিবে না আর বাড়ী ।”
ভীতি-বিহ্বলে কর-যোড়ে শেষে আপনার মনে কয়—
“এ কি করিলাম ! তুচ্ছ ব্যাপারে একি হল, দয়াময় ?”
তুলসীতলার মাথা কুটি' পুন কহিল—“দয়াল প্রভু,
স্বামীরে ফিরিয়ে দাও, তা'রে আর বলিব না কিছু কভু ।”
এমন সময় ফিরিল রসিক গৃহেতে হৃষ্টমনে ;
সুর পান্টিয়ে অঞ্জনা কয়—“ফিরে এলে কি কারণে ?”
কৌতুক-রসে হাসিয়া রসিক কহিল অঞ্জনায়—
“চোখ ছ'টো যদি নিরে আসে মোরে—আমার কি দোষ তা'র ।”

রসিকতা

মাধবী কহিল হাসি—“ও কেতকী !
মধুপ-সখারে তুমি দেখেছ কি ?”

কেতকী সরমে—

মরিয়া মরমে—

কহিল নরমে—

“ছিল সে আমারি পাশে রাতে, সখি !

কহিল মাধবী—“জানি লো, সে বধু
এসেছিল চুপে লুটিবারে মধু !

তাই ভোর হেসে—

গুঞ্জি' আবেশে—

চলে গেল ভেসে ;

আবার আসিব বলিয়া গেল কি ?”

বপু-রহস্য—

এ বাজারে সে-ই চোরাকারবারী—যা'র বপু ভোজপুরী ।
ভেজাল, মনাফা চালায় যে আজ—তা'রি স্মরত ভুঁড়ি ॥
ক্ষীতোদর-বপু দেখিলেই তাই জাগে মহা-সংশয় ।—
নিরস্ত্রণের চা'লে কখনই এ বপু গঠিত নয় ॥

কেরানীৰ আক্ষেপ

তিৰিশ টাকার কেরানী ছিলাম বছর দশেক আগে,
 তা'তেও তুলেছি পাকা বাড়ীখানা সহরের পুরোভাগে !
 তিন ছেলে আর পাঁচ মেয়ে ছিল পোষ্য তখন মোর,
 মেয়েদের পার করিতেও মোটে হরনিক' ধর-ধোর !
 গিন্নীর গায়ে গহনাও কিছু ছিল না যে, তাও নয়,
 সোনা ও নগদে হাজার পাঁচেক করেছিল সঞ্চয় !
 বিশ টাকাতেই চলে যেত' খাসা এত বড় সংসার,
 পাঁচগুণ আজ যাইনে বেড়েও হিম হয়ে গেল হাড় !
 দেড়শ' টাকার পাঁচটি প্রাণীর পোষণ বর্তমানে—
 কি-বে দার, তাহা ভুক্তভোগী যে, সে-ই হাড়ে-হাড়ে জানে !
 মেয়েগুলো পার না হ'লে, কে জানে, কি হত এ পোড়া-ঘটে.
 উন্মাদ হ'তে বাকী থাকিত কি পড়িলে সে-সঙ্কটে !
 শিকার তুলিতে বাধ্য হয়েছি ছেলেদের লেখা-পড়া,
 অন্ন-চিন্তা চমৎকারেই চক্ষু যে ছানা-বড়া !
 সঞ্চিত বাহা ছিল, সে-ত' সবি হয়ে গেছে নিঃশেষ,
 এত বুঝে চলে তবুও যে আজ ঋণে জড়িয়েছি বেশ !
 আর কিছুকাল এই-মত যদি রয় আগুনের বায়ু,
 এ গার্হস্থ্য-আশ্রমে তবে বেশী দিন নয় আয়ু !

